

## **Meeqqat atuarianniit inuusuttut ilinniarfiinut ingerlaqqinnerit, 2015-imi soraarummeertut**

Meeqqat atuariiini naammassisimasut ilaat inuusuttunut ilinniarfimmuut ingerlaqqinninnerminni efterskolertarput imaluunniit assersuutigalugu Majoriami piginnaanngorsaqqinnermik højskolimilluunniit ingerlatsisarlutik. Kisitsisitigut paasissutissani matumani meeqqat atuarianni naammassisimasut atuartut qanoq amerlatigisut inuusuttunut ilinniarfimmik, tassa ilinniarnertuunngorniarnermik aammalu inuussutissarsiornermik ilinniarnermik, aallartitsisarnerat kisimi pineqarpoq.


Kisitsisitigut paasissutissani meeqqat atuariiini soraarummeernerminni minnerpaamik misilitsinnermi ataatsimi peqataasimasut tunngavigineqarput, meeqqat atuarianni atuartut tamakkerlugit nalunaarsuuteqannginnerat peqqutigalugu. Tamanna meeqqat atuarianni soraarummeernerminni misilitsissimangitsut, assersuutigalugu specialklassini atuartut, kisitsisini ilaatinneqannginnerannik isumaqarpoq.

## **2015-imi meeqqat atuarianni atuartut affai inuusuttunut ilinniarfimmik aallartitsisimapput**

2015-imi meeqqat atuarianni soraarummeertut akornanni 51 procentii ukiut marluk ingerlanerini inuusuttunut ilinniarfimmik aallartitsisimapput. Atuartut amerlanersaat, 4/5-inik annertutigisut, ilinniarnertuunngorniarnermik aallartitsisimapput 1/5-iilu inuussutissarsiornermi ilinniarnermik aallartitsisimallutik.

2010-mili ukiut marluk ingerlanerini inuusuttunut ilinniarfimmuut ingerlaqqittartut amerlassusaat 49 procentimiit 2015-imi 51 procentimut qaffasimavoq. Ukiut ingerlanerini ilinniarnertuunngorniarnermik aallartitsisartut amerlanerulaalersimapput, inuussutissarsiornermilli ilinniakkamik aallartitsisartut ikilisimallutik.

**Titartagaq 1. Meeqqat atuarfiannik naammassinnereernermi ukiut marluk qaangiunnerini inuusuttunut ilinniarfimmik aallartitsisimasut amerlassusaat, 2010-miit 2015-imut soraarummeertut**




Najoqqutaq: Naatsorsueqqissaartarfik –kisitsisit Kisitsisaataasivimmi takukkit (<http://bank.stat.gl/UDNTRFA1>).

**Kommune Kujallermi atuartut inuusuttunut ilinniarfinnut ingerlaqqittartut amerlanerusut**

Kommunit malillugit immikkoortiterinermi Kommune Kujallermi meeqqat atuarfiini soraarummeertut inuusuttunut ilinniarfinni aallartissimasut amerlanerupput. Aggvaqatigiissillugu Kommune Kujallermi 2013-miit 2015-imut meeqqat atuarfiannit soraarummeersimasut 55 procentii soraarummeernerup kingorna ukiut marluk ingerlanerini inuusuttunut ilinniarfinni ilinnialersimapput. Akerlianik Kommune Qeqertalimmi ingerlaqqittartut ikinnersaapput. Kommune Qeqertalimmi 2013-miit 2015-imut meeqqat atuarfiannit soraarummeersimasut aggvaqatigiissillugit 45 procentii soraarummeernerup kingorna ukiut marluk ingerlanerini inuusuttunut ilinniarfinni ilinnialersimapput.

**Titartagaq 2. Meeqqat atuarfiannik naammassinnereernermi ukiut marluk qaangiunnerini inuusuttunut ilinniarfimmik aallartitsisimasut amerlassusaat, 2013-imiit 2015-imut soraarummeersimasut agguaqatigiissinneri**



Nassuiaat: Kommunit ilaat ikittuinnarnik atuartoqartarnerat peqqutigalugu titartagaq ukiunik pingasunik agguaqatigiissitsilluni suliaavoq.


Najoqqutaq: Naatsorsueqqissaartarfik –kisitsisit Kisitsisaataasivimmi takukkit (<http://bank.stat.gl/UDNTRFA2>).

**Niviarsiaqqat ilinniarnertuunngorniarnermik toqqaasartut nukappiaqqanit amerlanerusut**

Meeqqat atuarfiata naammassereernerani ukiut marluk ingerlanerini niviarsiaqqat nukappiaqqanit amerlanerulaartut ilinniakkanut ingerlaqqittarput. 2015-imi meeqqat atuarfianni soraarummeertut akornanni niviarsiaqqat 52 procentii ilinniakkamik aallartitsisimapput, nukappiaqqanullu kisitsit 49 procentimiilluni. 2010-mili taamatut ingerlasimapput. Taamaattoq nukappiaqqat meeqqat atuarfiannik naammassinnereernerup kingorna ilinniakkamik aallartitsisartut amerlassusaat niviarsiaqqat amerlassusaannit qaffariarnerusimavoq.

Niviarsiaqqat (45 procentii) pingaartumik ilinniarnertuunngorniarnermik toqqaasarpur, ikinnerusullu (7 procentii) inuussutissarsiornermi ilinniakkamik aallartitsisarlutik. Nukappiaqqat akornanni amerlanerusut (33 procentii) aamma ilinniarnertuunngorniarnermik aallartitsisimapput. Niviarsiaqqanulli sanilliullugit amerlanerusut (16 procentii) inuussutissarsiornermi ilinniakkamik aallartitsisimallutik.

**Titartagaq 3. Meeqqat atuariannik naammassinnereernermi ukiut marluk qaangiunnerini inuusuttunut ilinniarfimmik aallartitsisimasut amerlassusaat suaassuseq malillugu, 2015-imi soraarummeertut**



Najoqqutaq: Naatsorsueqqissaartarfik –kisitsisit Kisitsisaataasivimmi takukkit (<http://bank.stat.gl/UDNTRFA2>).

## Eqikkaaneq

**Tabel 1. Meeqqat atuarfianniit ukiut marluk qaangiunnerini inuusuttunut ilinniartinnut ingerlaqqinnerit, 2015-imi soraarummeertut**

Ilinniakkap qaffasissussaa	suli ingerlatsisut	naamassinnis-simasut	unitsitsisut	aallartitsisima-nngitsut	katillugit
<i>amerlassusaat</i>					
Ilinniarnertuunngorniarneq	183	-	79	-	262
Inuusutissarsiornermik ilinniartinnut	40	7	27	-	74
Nalunaarsuuteqanngitsut	-	-	-	329	329
Katillugit	223	7	106	329	665
<i>procentinngorlugu</i>					
Ilinniarnertuunngorniarneq	28	-	12	-	39
Inuusutissarsiornermik ilinniartinnut	6	1	4	-	11
Nalunaarsuuteqanngitsut	-	-	-	49	49
Katillugit	34	1	16	49	100

Najoqqutaq: Naatsorsueqqissaartarfik –kisitsisit Kisitsisaataasivimmi takukkit (<http://bank.stat.gl/UDDTRFA2>).

**Tabel 2. Meeqqat atuarfianniit ukiut marluk qaangiunnerini inuusuttunut ilinniartinnut ingerlaqqinnerit suaassuseq malillugu, 2015-imi soraarummeertut**

Ilinniakkap qaffasissussaa	suli ingerlatsisut	naamassinnis-simasut	unitsitsisut	aallartitsisima-nngitsut	katillugit
<b>Nukappiaqqat</b>					
<i>amerlassusaat</i>					
Ilinniarnertuunngorniarneq	70		29		99
Inuusutissarsiornermik ilinniartinnut	27	7	13		47
Nalunaarsuuteqanngitsut				155	155
Katillugit	97	7	42	155	301
<i>procentinngorlugu</i>					
Ilinniarnertuunngorniarneq	23	0	10	0	33
Inuusutissarsiornermik ilinniartinnut	9	2	4	0	16
Nalunaarsuuteqanngitsut	0	0	0	51	51
Katillugit	32	2	14	51	100
<b>Niviarsiaqqat</b>					
<i>amerlassusaat</i>					
Ilinniarnertuunngorniarneq	113	-	50	-	163
Inuusutissarsiornermik ilinniartinnut	13	-	14	-	27
Nalunaarsuuteqanngitsut	-	-	-	174	174
Katillugit	126	-	64	174	364
<i>procentinngorlugu</i>					
Ilinniarnertuunngorniarneq	31	-	14	-	45
Inuusutissarsiornermik ilinniartinnut	4	-	4	-	7
Nalunaarsuuteqanngitsut	-	-	-	48	48
Katillugit	35	-	18	48	100

Najoqqutaq: Naatsorsueqqissaartarfik –kisitsisit Kisitsisaataasivimmi takukkit (<http://bank.stat.gl/UDNTRFA2>).

## **Periaaseq**

### **Siunertaq**

Kisitsisini paasissutissani matumani siunertaavoq meeqqat atuarfiini naammassisimasut qanoq amerlatigisut ukiut 1-10 ingerlanerini inuusuttunut ilinniartinnut ingerlaqqittarnerisa naammassinnittarnerisalu kisinneqarnissaat.

### **Nalunaarsuutit tunngaviusut**

Kisitsisitigut paasissutissat ilinniakkanik aallartitsisunut, ilinniakkanik ingerlatsisunut ilinniakkanillu naammassinnissimasunut nalunaarsuisarfiit tunngavigalugit kisitsisitigut paasissutissat suliarineqarput. Kisitsisillu meeqqat atuarfianni naammassisimasut nalunaarsuisarfiat soraarummeernermi karakterinik imaqartoq tunngavigineqarpoq.

## **Periaaseq**

Meeqqat atuarfianni soraarummeertut ukioq naammassiffigisimasaannit ukiut 1-10 qaangiunnerini ilinniakkamik aallartitsisimasut, naammassinnissimasut sulilu ingerlatsisut nalunaarsuisarfiini ataatsimut ingerlanneqarput.

Ukiut tamaasa ukiumi pineqartumi atuartut suli ilinniakkamik ingerlatsisutut imaluunniit ukiut kingulliit ilaanni ilinniakkamik naammassinnissimasutut killiffilerneqartarput. Atuartut suli ilinniakkamik ingerlatsisutut imaluunniit naammassinnissimasutut nalunaarsorneqarsimanngitsut "unitsitsisimasutut" killiffilerneqarput. Meeqqat atuarfiannik naammassinnereernerup kingorna ilinniakkamik aallartitsisimanngitsut "aallartitsisimanngitsutut" killiffilerneqarput.

### **Killiffiliinermut piffissaq**

Meeqqat atuarfiannik naammassinnereernermi ukiut qaangiuttut amerlassusaannut atorineqarpoq, ilinniakkap killiffia 31. decembarimi naatsorsorlugu.

### **Ilinniakkap qaffasissusaa**

Ilinniakkat qaffasissusaa International Standard Classification of Education 2011-meersoq malillugu immikkoortiterneqarput. Naatsorsueqqissaartarfiup ilinniartitaanerup iluani taaguutit pillugit saqqummersinnikuusaani ilinniakkami pineqartumi imaluunniit ISCED-i malillugu immikkoortiterinermi ilinniakkat suut pineqarnerisut takuneqarsinnaapput. Taassuma saniatigut Naatsorsueqqissaartarfik Kalaallit Nunaanni ilinniakkat, ilinniakkap qaffasissusaa malillugu, immikkoortiternerat takussutissiaraa. Taaguutit takussutissiarlu [www.stat.gl](http://www.stat.gl) -imi Ilinniartitaanermut tunngasut ataanni nassaarineqarsinnaavoq. Saqqummersitami kingullerpaami Periaatsimut immikkoortoq takuuk.

## Ilinniakkap killiffia

Ukiup kisitsiviusup naanerani ilinniartup ilinniarnermi killiffianut atorpeqarpoq. Ilinniakkap killiffiani naatsorsuutit atorpeqartut tassaapput:

1. Suli ingerlatsineq
2. Naammassinnissimaneq
3. Unitsitsisimaneq
4. Aallartitsisimanninneq

## **Naatsorsuineq**

Meeqqat atuarfianniit inuusuttunut ilinniartinnut ingerlaqqittut kisitsisitigut paasissutissaat meeqqat atuarfiannik naammassinnereernerup kingorna ukiut 1-10 qaangiunnerini suli ingerlatsisut, naammassinnissimasut, unitsitsisimasut imaluunniit aallartitsisimannigitsut amerlassusaattut naatsorsorneqarput.

Tabelit ilinniakkap aallartissimasap qaffasissusaannut, atuarfintut suaassutsinullu naatsorsorneqarput.

## **Killiliinerit erseqqissagassallu**

Kisitsisitigut paasissutissani meeqqat atuarfiini soraarummeernermi minnerpaamik misilitsinnermi ataatsimi peqataasimasut tunngavigineqarput. Atuartut Kalaallit Nunaanni meeqqat atuarfianni soraarummeernermi misilitsissimannigitsut, assersuutigalugu specialklassini atuartut imaluunniit qallunaat efterskoliini 10.klassersimasut kisitsisini ilaangillat. Kalaallit Nunaannit nuussimasut Kalaallit Nunaannilu ilinniagaqarnersiuteqartitsivik avaqqullugu ilinniagaqarsimasut “aallartitsisimannigitsunut” killiffimmi ilaapput.

“Unitsitsinermut” killiffimmi ilinniakkamik unitsitsigallartut ilaapput.

---

### Signatur forklaring:

... Oplysninger foreligger ikke  
.. Oplysninger for usikre til at angives eller diskretionshensyn  
. Tal kan efter sagens natur ikke forekomme  
0 Mindre end halvdelen af den anvendte enhed  
- Nul  
\* Foreløbigt eller anslået tal

Saaffiginniffissaq

Randi Mortensen

E-mail: rand@stat.gl

Ilinniartitaaneq

Grønlands Statistik  
Postboks 1025 · 3900 Nuuk  
Tlf.: +299 34 57 70 · Fax: +299 34 57 90  
www.stat.gl · e-mail: [stat@stat.gl](mailto:stat@stat.gl)

